



## Միպիւ

### Ագռավները

Մն պատանքին ներքև ամպոտ գիշերին  
Արյունի թուխ մառախուղ մը կ'երկարի.  
Հրորնդյուններ լացի կոծի կը մարին  
Մահասարսուտ դաշտին վրրա պայքարի:

Հիմա ճիշերն համակ լրոած են արդեն,  
Դիակներու վրրա մահը կը շրջի,  
Եվ ագռավներն իրենց սևը կը բարդեն  
Համատարած խորունկ սուգին հետ շուրջի:

Կը մոտենան կոչնականները մահվան.  
Կըտուցներն իրենց քաղացի տենդով կը հևան,  
Լանջքերն իրենց քաղցի տենդով կը հևան,  
Ու կը կառչին մագիլներնեն երկաթե:

Այստեղ ինկած գինվոր մոր դեռ մեռած չէ  
Բայց դնդեր միսկ խըլրտելու ապիկար,  
Իր սերերը, իր հուշքերը կը կոչե  
Հերոսական գրլուխն հակած դեպի վար:

Ագռավներու հոծ թափորը կը թառի  
Ծաղիկ կյանքին վեհ արյունը ծրծելու.  
Այս սիրատենչ սրտին վրրա քաջարի

Զինվորն, ավա՛ղ, հիմա բախտին է հըլու:

Ամեն կողմն կըռինչքներով կը վազեն,  
Եվ արյունի ճապաղիքներ կը հոսին,

Բըզըքտելով հոշ-հոշ դենքեն ու վիզեն  
Դեռ բաբախուն թարմ բեկորները միսին . . .

Անգո՛ւթ, անգո՛ւթ սև ագռավներ մարդակույ  
Անկարեկիր իր թարմության ու գեղին,  
Ի՛նչպես իր հուսկ հեծեծանքին կ'ըլլաք խույ .  
Անե՛ծք ձեզի, անե՛ծք բոլոր ձեր ցեղին . . .

Բայց... կը խորհիմ, ո՞րն ավելի է անգութ .  
Մարդի՞կ, որոնք գիտակցորեն գիշակեր,  
Կը հոշոտեն զիրար փառքի համար սուտ  
Քայքայելով բյուր երագներ ու կյանքեր:

Թե թռչուննե՞րն անբան, անմիտ, անոթի,  
Որ անգիտակ մեր ըզգացմանց թանկագին,  
Կ'արշավեն հոն որտեղ կյանքը կը դադրի,  
Հագուրդ տալու իրենց քաղցին, պապակին:

1915